

Ruedi Reggli

s'Singe macht froh

(-Dur) (st. Jodelt)

Schön gsi si d'jugenjahr, wo
mich scho gly, grad wie nes
Glöggli so fyn und klar,
s'Müeti glehrt het singe. bald
scho het's gseit, so isch es
guet, s'lyt üs im Bluet. Do
hani voller Freud Liedli la
erklinge.

Glücklich si all die Lüüt,
wo's Lied erfreut. Ja, dä wo
seit, das bedüüti ihm nüt,
tuet mi gwüss beduure.
Gross oder chly, arm oder
rych, ja, das ischglych. Freu
dich a Musig und Gsang, de
tuesch nie versuure.

Singe und fröhlich sy, zu je-
der Zyt. Ja, üsi Jährli göi
schnell verby, d'Jährli, all die
schöne. Drum wei mer hüt
s'Jodle nid lah, i stimme a.
S'wird mier so wohl ums
Härz, wenn ich's cha la töne.